

應作「迎新晚會」辭

古水

辛卯年八月十七 / 2011-09-14

日出東海，肇興炎黃。
燁燁文明，亙古傳揚。
邳隆堯舜，勃興禹湯。
膺期文武，治平成康。
春秋爭鳴，戰國競放。
儒墨道法，孔翟韓莊。
六合掃盡，秦土漢疆。
篆隸因襲，樂府賦章。
魏晉風雅，名士流芳。
纖秣精巧，開啟隋唐。
雄渾意氣，文字激昂。
李杜詩壯，韓柳文彰。
崑白相酬，委婉豪放。
南豐介甫，三蘇歐陽。
曲劇傳奇，心學陸王。
公安竟陵，小品感傷。
浙西陽羨，船山顧黃。

紅樓綺作，哀哉未央。

民國甫建，歐風勢猖。

奚皆踵武，國學孰匡。

迫及新華，遽演文喪。

幸遭盛世，重拾綱常。

前賢垂創，我輩是光。

匪惟囫圇，擇彼精良。

任重道遠，如陟高岡。

豈曰可懼，來日方長。

其誰與歸，惟我同窗！